



CONCELLO DE MUXÍA

Teléfonos: 981.74 21 17 - 25 28 - 20 01 Fax: 981.742298

Rúa Real nº 35 Código Postal: 15124 (A Coruña)

Web: www.concellomuxia.com

CONVENIO DE COLABORACION ENTRE O CONCELLO DE MUXIA E A A.C. GRUPO VOCAL VIRXE DA BARCA

En Muxía, a data da sinatura electrónica.

REÚNENSE

Dunha parte, D. Javier Sar Romero, maior de idade con DNI 32798195B en calidade de Alcalde do Concello de Muxía, que actúa na representación deste que legalmente lle corresponde, e doutra parte D. Benedicto Leoncio Rodríguez Martínez con DNI [REDACTED], Presidente da A.C. Grupo Vocal Virxe da Barca CIF G15723901, e enderezo en Avda. [REDACTED], 15124 Muxía, actuando en representación da mesma.

Ambas partes se recoñecen mutuamente capacidade para obrigarse na representación que ostentan e, polo tanto, para o outorgamento do presente convenio de colaboración e

MANIFESTAN

1º Que o Concello de Muxía ten, como Administración pública, dentro dos seus obxectivos a conservación e promoción da cultura e tradicións populares.

2º Que o Concello de Muxía tamén ten coma un dos seus principais obxectivos fomentar o asociacionismo e toda actividade que redunde en beneficio da calidade de vida da veciñanza así como das condicións de traballo da nosa poboación.

3º Que a A.C. Grupo Vocal Virxe da Barca é unha asociación sen ánimo de lucro que ten entre os seus fins a realización de actuacións para dar a coñecer a música sacra e a profana, toda ela de variados estilos e épocas intentar chegar a que todo o mundo vexa as actuacións diversas de canto, tanto en celebracións de festexos, actos relixiosos, concertos, entre outros, así como, en múltiples encontros de corais organizados por entidades ou institucións.

4º Que as axudas económicas e subvencións forman parte da actividade de fomento que a Administración Local pode facer coa finalidade de promover e apoiar actividades de interese público que cooperen satisfacción das necesidades e intereses da comunidade veciñal.

5º Que dada a coincidencia en finalidades de Concello e Asociación, subscríbese o presente convenio de



CONCELLO DE MUXÍA

Teléfonos: 981.74 21 17 - 25 28 - 20 01 Fax: 981.742298

Rúa Real nº 35 Código Postal: 15124 (A Coruña)

Web: www.concellomuxia.com

colaboración con arranxo ás seguintes:

CLÁUSULAS

Primeira.- O presente convenio formalízase co obxecto da realización das distintas actuacións levadas a cabo pola Asociación Grupo Vocal Virxe da Barca no 2025 e co motivo da elaboración de pajaritas para os integrantes masculinos, necesarios para mellorar o vestuario cara o público.

Segunda.- A Asociación comprométese a dar publicidade á colaboración do Concello de Muxía en cartelería, folletos, e publicidade en xeral editados con ocasión do desenvolvemento das actividades obxecto do presente convenio. Na publicidade deberá figurar o logotipo de identificación do Concello.

Terceira.- A Asociación obrígase ademais a:

- a) A Asociación debe destinar integramente a axuda á finalidade para a que é concedida.
- b) Acreditar mediante certificación da Secretaría da Asociación, co Vº e Prace da Presidencia a existencia o non doutras axudas para a finalidade subvencionada no Convenio.
- c) Nomear un responsable que actuará como interlocutor válido cos servizos municipais.
- d) Asistir a cantas reunións sexan convocadas polo Concello de Muxía facilitando todo tipo de información relativa á actividade que lle sexa requirida por estes.

Cuarta.- O Concello aportará á Asociación a cantidade máxima de 1.000 €, como axuda dirixida á celebración das actuacións indicadas na súa solicitude.

Antes de efectuar tal pago, o Concello de Muxía comprobará que a Asociación non ten subvencións pendentes de xustificar ante o Concello nin débedas pendentes co mesmo. Dito pago realizarase mediante transferencia bancaria á conta da que a Asociación acredite ser titular.

Quinta.- A xustificación dos gastos realizarase mediante a presentación da seguinte documentación:

- Memoria xustificativa das actividades realizadas.
- Orzamento de gastos e ingresos, segundo modelo que figura no Anexo I.
- Certificación do secretario/a da entidade co visto e prace do presidente/a que acredite o



CONCELLO DE MUXÍA

Teléfonos: 981.74 21 17 - 25 28 - 20 01 Fax: 981.742298

Rúa Real nº 35 Código Postal: 15124 (A Coruña)

Web: www.concellomuxia.com

cumprimento das actividades realizadas e as subvencións obtidas doutros organismos ou entidades para os mesmos conceptos. En caso de que o importe total dos ingresos obtidos sexa superior ao gasto realizado, o Concello de Muxía reducirá a subvención a outorgar, de xeito tal que o importe total de todos os ingresos obtidos non sexa superior aos gastos realizados. O modelo de certificación figura no Anexo II.

- Facturas orixinais dos gastos. As facturas presentadas deberán axustarse á normativa vixente. As facturas que se presenten deberán axustarse ás actividades para as que se solicitaba a subvención, e que deberán constar en todo caso na memoria descritiva da actividade. No caso de pago de minutas a profesionais, acreditarase ademais o ter practicado a oportuna retención por IRPF. Unha vez presentadas as facturas serán cuñadas para indicar que son utilizadas para a xustificación deste convenio, compulsaranse e as orixinais serán devoltas á Asociación.
- Certificación bancaria da conta corrente na que desexe a asociación que se lle ingrese o importe da subvención.
- Certificados de atoparse ao corrente das súas obrigas tributarias, coa Seguridade Social, coa Axencia Tributaria, coa Xunta de Galicia e coa facenda municipal, e de que non está incurso en causa algunha de incompatibilidade ou prohibición das mencionadas no artigo 13 da Lei 38/2003, Xeral de Subvencións.

Sexta.- Son gastos subvencionables aqueles que de maneira indubidable respondan á natureza da actividade subvencionada e se realicen no prazo de execución establecido no presente convenio. A estes efectos só se poderán subvencionar os seguintes gastos:

- Gastos de desprazamento para poder acudir a dúas das súas actuacións.
- Pajaritas (cantidade 10) para cada coralista masculino como complemento aos chales femeninos, elaborados artesanalmente en liño e tecido en tear, sendo estes necesarios para mellorar o vestuario de cara o público de cada un dos integrantes da coral.

Sétima.- No caso de que non se xustifique a totalidade dos gastos, minorarase a aportación do Concello, de xeito tal que o importe da subvención entregada polo Concello non superará o importe dos gastos totais xustificados, e tendo tamén en conta a posibilidade de que existan outras subvencións que financien os mesmos gastos, en cuxo caso o importe total da subvención do Concello máis o importe das outras subvencións obtidas non superará o importe total dos gastos xustificados.

Oitava.- A Asociación disporá dunha póliza de responsabilidade civil, sendo a tomadora a asociación.



CONCELLO DE MUXÍA

Teléfonos: 981.74 21 17 - 25 28 - 20 01 Fax: 981.742298

Rúa Real nº 35 Código Postal: 15124 (A Coruña)

Web: www.concellomuxia.com

Xunto cun seguro de accidentes que garante a atención médica primaria e hospitalaria dos usuarios das actividades da entidade obxecto deste convenio. Tanto a póliza de responsabilidade civil coma a de accidentes, manterán a súa vixencia e actualización económica polo tempo de duración do presente convenio.

Novena.- O prazo de vixencia deste convenio será dende a data da súa sinatura ata o 31 de decembro de 2025, pero en todo caso os gastos presentados como xustificantes da subvención concedida poderán terse realizado durante todo o ano 2025, debendo as facturas ter data de 2025.


Unha vez realizada a actividade subvencionada, o beneficiario deberá presentar a conta xustificativa antes do día 15 de decembro de 2025.

Décima.- O presente convenio ten natureza administrativa e a xurisdición contencioso-administrativa será a competente para o coñecemento das posibles cuestións litixiosas que puidesen xurdir.

Corresponderá ao Alcalde-Presidente do Concello de Muxía a interpretación, modificación e resolución do convenio.

Para todo o non previsto neste convenio será de aplicación o disposto na Lei 38/2003, Xeral de Subvencións, e no seu Regulamento.

O presente convenio obriga ao cumprimento do expresamente pactado, someténdose ámbalas dúas partes ao acordado en tódalas cláusulas, estendéndose no lugar e data sinalados.

Polo Concello de Muxía	Por A.C.GRUPO VOCAL VIRXE DA BARCA
Firmado por ***9819** FRANCISCO JAVIER SAR (R: ****5300*) el día 31/10/2025 con un certificado emitido por AC Representación.	 BENEDICTO LEONCIO RODRIGUEZ (R: G15723901)
Asdo./ Javier Sar Romero	Firmado digitalmente por  BENEDICTO LEONCIO RODRIGUEZ (R: G15723901) Fecha: 2025.10.29 16:55:27 +01'00'
	Asdo./ Benedicto Leoncio Rodríguez Martínez



CONCELLO DE MUXÍA

Teléfonos: 981.74 21 17 - 25 28 - 20 01 Fax: 981.742298

Rúa Real nº 35 Código Postal: 15124 (A Coruña)

Web: www.concellomuxia.com